

Dra. Gabriela Molina Aguilar
Secretaria de Cultura del estado de Michoacán
Presente

Ini karakatani jinkuni cha jinkuni terunkurhixaka, imani karakatani uantatseparini *informe Periódico de la Pirekua como elemento inscrito en la Lista Representativa* ka imani arhukukata enka kúntakata ka axanhani Patrimonio Cultural Inmaterial de la UNESCO axanhaka. Jimpoka inte jukaparhakuoeska inte uantantsíkua enka UNESCO jatsirini jaka miteni jarhani, jucha uékaxaka arhini ampe uantani ka pakatani:

MA. Ménkuni eska urheta isi, k'umanchekua juramukuecha ka inteni urhejtsíkuriеча amu meni eíankujpesti, kurhampeni, p'imarhenijtsiini ka mítetaranijsiini inteni karakatani ka jarhuajpeni, inteni jucha amu jeíapanhentasínka ka amu uinhaperasínkaksí ka jukaparharani ireta p'urheo uératini.

TSIMANI. Miántani eska inte k'umanchekua juramukuaecha ka urhejtsíkuriеча enka iretsekuarhu anapu ka México anapu, amu jámastiksí kurhamukujpeni sesi jimpo ka jurhimpekua jinkuni, eíankuni ka mítetarani pireriechani ka kústati p'urheni ka kúparhatani imani karakatani eska na aíakuarhetini ka uantarini jápkaksí.

TANIMU. Inteni enka urheta xarhataka, amu nani arhixati nani na patsantani pirekuani eska na arhini ka karakata jaka *convención 2003*. Imani eratsekua enka axamenhaka UNESCO, imani sírutsekua karakatarhu *Expediente 00398* inte amu juchari eratsekua ka erankukua xarhataxati, jimpoka jucha amu kurhamukunhaska inteni karakatarhu.

T'AMU. Inteni erankuparini enka karhakua arhika, isi eska na uantanhantani jaka, amu arhisínti nani na patsantanha pirekua, inte enka uétarherijka (exe je; ne patsantanha ka arhiparhanhani, naki uantakua, naki pirekua patsantanhaa). Naki niátakua, ukua, eronukuarhekua, na xani sonku ka naki ioni jimpo. Uinhasíkuxakaksí arhini eska pirekua úriechaksí amu meni kurhamarhenhaska.

IUMU. K'eri uantanhiaesta enka inte karakatarhu amu xarhatani ka uantantani jaka na enka nitamakuarhejka pirekua uri, niátati, kústati ka arhiriecha inteni juchari p'intekuani: inte pájtmásiinti eska p'urhépecha uantakua tsíncheni jaka ka mirikurhinhani, tumina uétarhesínti ka uni meíamuni ka xanhatani ne jurhentajpea ka arhitatsípea pirekua uni ka arhini ka pirekuaeri k'uinchekua úntani, kuperantsíkua ampe; kueratasínti uantakua etsakutarakua ka exerakua enka jucha anapu jimpo petamunhahka, meni isi inte eratsekuaecha enkaksí tumina erarhukunhajka ka k'uiripu antsítataranani ka exerajpeni ixu anapu uarhakuani ka pirekuani, eska exempekua ampe. Kueratasínti jarhuajperata enka meni isi ampe ukuarhanchanhajka xanharu jámparini, pireni jámparini ireta jimpo. jucharichani jimpo, uarhitini, uátsítiechani enkaksí amu ma tumina jinkuni pakarajka enka meni niárajka kueratani.

KUIMU. Uétarhesínti uantantani eska inte eratsekua enka jintejka pirekuaechani tarhataani ka mánhaani, patsantani, kuperantsíkuaecha pireriechaeri iretaecharhu ka k'uiriperakua jimpanhe pireriechaeri inte juchari niátakua, eratsekua ka juchari tumina jimpoesti, jucha p'íjtarhakuarhesínka.

Inteni ampe jimpo enka urheta uantatseka ka eratsekuparini eska sesi jimpo niárajka jukaparharanhantani inte jatsikuarheta ka sesi jimpo patsantanhani juchari pirekua niátakua, inteni jimpo uantasinkachi ka eratsekuntani:

1. Eska úkuarheajka inte kúnkuarhekua enka píreriechani jimpo jauaka *grupo de acción comunitaria en beneficio de los pirericha*, enka ireta p'urheo erakunhantajka píreriecha ka inte niátatiecha, imani iretaecha enka útasí pirekuaecha patsakuarheni, p'intekua ka uantakua.
2. I kúnkurhekuarhu urhejtsíkuati ka urhenharhini nani na áchekuarheni *Plan de Salvaguarda*. Inteni jimpo tumina uétarhesinti jatsini enka juramukuarhu míntakata jaka ka marhuatani píreriechaeri eratsekua ka jurhenkuani nani na patsantani pirekuani. Pámpetakuarheparini *secretarias de cultura* juchari iretsekuarhu anapu ka úerakua anapu, *Instituto Nacional de los Pueblos Indígenas* ka *Instituto Nacional de Antropología e Historia*, ka máteruecha enkaksí mítetijka ka jánhaskatini nani na patsantani pirekuani.
3. Uétarheriesti eskaksí inteni áchekuarheriejcha ka urhejtsíkúriecha, kurhamukujjaka, jánhasíkatiechani, míteteichani, jurhentiechani ini pirekua niátakuani ka nani na enka marhuatanhajka i jasí p'intekua ka patsantakua.
4. Uétarheristi menku uantantani ka eíankuntani jarhani píreri ka kústatiechani nani na enka niátanhani ka úkuarheni jauaka pirekua patsantakua jinkuni. Jimini uétarhesinti xarhatani uantakua etsakutarakuarhu ka *internet* arhikatarhu, nani enka uajka inte ampe karhatani ka eska isí úajka uni ne uehki mitani ka inchani ka arhintani jarhani, kurhankuarheni ka míteni. Ka jatsisti eska p'urhé uantakua jimpo karakuarheaka ka utusí mónhantsíkata ka jimini xarhatani p'imarhejperata ka nani enka úkuarheni jauaka, tumina na enka áchetanhani janhajka ka márueru.
5. Uinhamarhesinkaksí eska sesi jimpo kurhamukujperanhajka, ka uantanhantani eíankuparini píreri ka kústatiecha ixu anapuechani nani na enka jimpo pirekua inchamutanhaka ka arhiparhatanhani eska *Patrimonio Cultural Inmaterial UNESCO* anapueska, eska sesi jimpo xarhatanhajka janhanharhikua juchari mímixekua, kaxumpekua, jurhimpekua, amponhasíkua, p'urhejkukua, inte juramukuaecha juchari iretsekuarhu anapu ka uérakua anpu.

P'urhé iretsekua, Méxiku 16 marsu kutsí 2022 uéxurhini.

c.c.p. Alejandra Frausto, Secretaria de Cultura.

c.c.p. Diego Prieto, Director General del Instituto Nacional de Antropología e Historia.

c.c.p. Celerino Felipe Cruz, Representante del Instituto Nacional de Pueblos Indígenas en el estado de Michoacán.

c.c.p. Frédéric Vacheron, Representante de la UNESCO en México.

c.c.p. Mirva Aranda Escalante, Directora General del Centro Regional para la Salvaguardia del Patrimonio Cultural Inmaterial de América Latina (CRESPIAL).